

Universitätsbibliothek Paderborn

Historiae Ecclesiasticae Pars ...

Historiae Ecclesiasticae Pars Secvnda, Qva Continentvr Socratis Scolastici
Constantinopolitani lib. 7. Theodoriti Cyrensis episcopi lib. 5

Christopherson, John

[Köln], 1569

De Eusebio Episcopo Samosatensi. Cap. XXXII.

urn:nbn:de:hbz:466:1-12704

THEODOR. HISTOR.

Episcopatus gradu locatū, venit illis in mentem non verborum solum, quæ olim dicebantur ad Loth, nempe, salvans salua animam tuā, sed etiam legum euangelicarū, quæ manifestò sic præcipiunt: Si oculus tuus dexter scandalizet te, erue eum, & projice abs te. Eadem quoque dominus de manu & pede sanciuit, adiecitq[ue]: bonum est tibi ut pereat vnum ex membris tuis, & nō totum corpus tuum mittatur in gehennam. Ad hunc modum igitur constat ecclesiā diffensionē diuisam esse.

De Eusebio Episcopo Samosatenſi.

CAP. XXXII.

Eusebius vero ille admirabilis, cuius supra feci mentī onem, cuique commune de Meletio decretum commissum fuit, cum videret pacta violata, ad urbem sibi concreditam abiit. Ariani autem veriti, ne decreti illius conscripti testimonio plane coarguerentur, persuadēt Constantio, ut nuncium mitteret decretum ab Eusebio petitum. Imperator ergo eorum impulsu, mittit nuntium, qui equis in itinere crebro mutatis, quam celerrimè tum aliquo proficiisci, tum responsa referre consueuerat. Vbi venit ad Eusebium, & mandata imperatoris ei exponit, Eusebius, vir sane nunquam satis laudatus, non possum, inquit, commune decretum apud me depositum reddere, nisi omnes qui mæ fidei illud commiserunt, in vnum conueniant. Quod responsum nuntius refert ad Imperatorem. Ille ardens iracundia, nuntium mittit denuò, iubet decretum reddi: additq[ue] in literis se mandasse nuntio, ut nisi redderet illud, dexteram eius amputaret, cum tamen hæc ad eum perterrefaciendum solum scripsisset: siquidem vetuerat tabellarium illud facere, quod per literas Eusebio minatus fuerat. Simul atque vero diuinus ille vir, resignatis literis, intellectu supplicium, quod Imperator ei minatus fuerat, non dexteram modò, sed leuam etiam extendit, iubetq[ue] ytranque abscindere. Nam decretum, inquit, non reddam, quod Ariani improbitatis tam clarum indicium dat. Itaque imperator, intellecta eius animi magnitudine & constantia, & tum eū plurimum admiratus est, & postea laudibus efferre non destitit. Etenim inimici praestantes

stantes aduersariorum virtutes magnitudine rerum gestarum ad id compulsi, etiam admirari solent. Per id temporis Constantius cum accepisset Julianum, quem Cæsarem totius Europæ declarauerat, res magnas per seditionem moliri, & contra eum qui illi tantum honoris detulerat, exercitum cogere, decedit de Syria, & in Cilicia supremum vi-

te diem obiit. Nam quoniam paternæ pietatis hereditatem neutiquā seruabat integrum, idcirco adiutore, quem pater ei reliquerat, omnino destitutus fuit:
& ob eam causam se fidem mutasse grauiter & acerbè lamentatus est.

SECVNDI LIBRI FINIS.

II 4